


為德士以恩選為榮令彼陰為內應我兵因糧于敵從蜀入  
秦由臨鞏徽莊等道襲虛搗巢出其不意此賊一滅而獻賊  
自膽落若止言守賊必攻我勢且難支如秦晉之防閩防河  
神京之守邊守城前轍可鑒也今寇在門庭諸臣不從國家  
起見言及殺賊則咋舌而不敢止借陞官一事結黨把持狂  
騁誣撓力逐大臣替人報怨狎至尊下濟之恩喧譁御前大  
褻體統臣面奏未悉謹補牘數陳可勝悚息  
南京山東道御史陳良弼言李沾薦人調停從來悞國宿套  
丙辰御史朱國昌劾山東巡撫邱祖德失守之罪

御史陳良弼言日來傳聞殉難諸臣范景文李邦華施邦曜  
王家彥劉理順孟兆祥凌義渠汪偉吳甘來吳麟徵鳳周翔  
陳純德王章金鉉許直成德等其餘尚未錄國家養士三百  
餘年深仁厚澤豈謂人盡無常山之骨而遜卞壺之忠哉國  
家大難見危授命慷慨從容視死如歸則其浩氣真可化作  
長虹直達帝座矣諸臣盡節生氣凜凜論在千秋旌在異日  
今國事倥偬未暇並議為慰忠魂計惟是倫紀攸關節義是  
勸風聞俟確不得不先拈一案徐議揚邱陳京有言褒大節  
恤賢臣天下所以安此今日急務也然人于此有嘅矣迨難



降賊之臣近傳紛々此大節所關何等事也或不降而逃降而逃又有降而不逃或姑降心圖殺賊心尚未知事當有別如街巷囂傳萬一仇悞冤人不淺當虚心平論聽之諸臣遭遇不辰律以君憂臣辱君辱臣死之義問心自明不待口舌之致爭也且早昭著誰能掩之或曰當分等定之不為無見如項煜受太常寺丞官卑而逃臣未遽辨惟覩然無耻直溷班朝意可僥倖陞轉如如肺腸臣糾之亦豈得已哉  
巡撫應天御史賀登選言揚儀城外焚殺殆盡旬容兵民夜鬪亂兵破六合掠江浦撫事傷時痛哭何極各鎮之兵整亂

不同分別宜早宜下兵部今後焚掠為鎮兵速移營正軍法如亂民檄本地治罪六合有撫標游擊張宿兵六百近調京口宜還原兵或另調千人護江浦六合 上是之


六月丁巳朔高弘圖自請督收江上漕糧從之時漕舟集于淮揚設遷先說弘圖遣司官趣回南京至是弘圖奏請

禁匿名蜚語

命吏部司官趣張慎言視事

前巡撫鄖陽王永祚遵旨下獄

山西道御史朱壽圖請遣官治 先帝山陵并祭告報聞



淮安風霾

罷巡撫鳳陽路振飛以田仰代之

李自成至山西聞喜縣而西走

戊午製金璽

已未史可法乞選才臣實監國即位二詔及賜吳三桂謝陸  
二勅直抵齊燕曉諭人心從之


前大學士蔣德璟兵部尚書張國維北歸奏賀

德安王大寓江西廣信

吳人許琰卒字玉重長洲諸生也聞北變仰天痛哭題詩曰

正想捐軀報主君豈期靈日墜妖氛忠魂誓向天門哭立乞  
神兵掃賊群五月朔解帶自經家人救免踰旬往福濟觀投  
繯又道士救之又投胥門外河亦救免遂絕粒死年五十一  
著書六卷十二月事聞贈中書舍人祀旌忠祠

吳俊曰嗚呼死之于人大矣哉而無如人之畏死何也夫  
生不能為國家報仇死當為大義抱氣君子亦既知之矣  
知之而即真實行之際國破君亡之日而壯憤激烈叫日  
月指山河竭泪百斛嘔血數斗以死則其死也可以媿天  
下之蒙耻苟活者告之以名義不死告之以彞倫綱紀不



死告之以天道神明毋容欺罔不死告之以天朝黃鉞萬  
年青史毋容隱漏不死則必有一人焉呼天痛哭泪盡而  
繼之以血直告之以死今者玉重之死其以告天下之蒙  
耻苟活者乎嗚呼玉重不受國恩不承主眷推其心惟痛  
先帝聖明英武而死為滿朝臣工營私植黨不修職業而  
死為四海人民思膏慕澤如喪考妣而死為兩字綱常而  
死為一心忠義而死然則謂今日即許琰初生之日可也  
前都督同知陳洪範奏自効北使命召之  
福府護衛副千戶常自俊為右軍都督府左都督世襲錦衣

衛指揮使自俊草工嘗脫 上于難

庚申命高弘圖理漕粗畢即入直

史可法奏叙淮安倡義城守官民擢巡按御史王燮等從之

馬士英奏北方誅逆功巡撫遼東黎玉田進兵部尚書巡按


盧世灌進太僕卿故大學士謝陞進上柱國各賜金幣

余颺補吏部考功主事嚴錫命驗封主事文德翼稽勳主事

大清國以故戶部右侍郎王鰲永招撫山東河南勅曰年來

寇盜日熾荼毒生靈近且禍及 帝后我大清國特起王師


用殲狂逆茲已諭定臣庶哭臨改葬 皇上 尊謚安我畿輔



定昂于茲永無遷徙百尔臣民各有寧宇因念遠方未即聞  
風懷逆跼踏特遣重臣昭宣德意期于銷頓鋒鏑用底康寧  
惟二東為南北咽喉兩河為中原堂奧俱宜亟捕爾即馳往  
彼處諭使歸順其無逆命者官員加陞一級軍民商賈各歸  
其業仍將歸順地方即取遵依陸續俱報各府州縣經營錢  
糧戶口各鎮道衛所經營官兵馬騾各將原額及見存查造  
清冊念時方多事文官以佐貳武職以中軍各代賚來投遞  
如朱氏諸王宗室來歸者照舊恩養不加改削山澤遺賢許  
在官報名以便徵聘起用其地方官才能素著禦侮保民確

有功績查實具聞破格優擢如年力不堪闕冗貪婪應行改  
易者亦并奏奪至如窮鄉下邑聲教不聞及頑梗無知乘機  
嘯聚劫掠殃民爾及領兵等官多方解散如果不悛立擒首  
惡以正王章仍寬其脅從各歸本業若有竊據城邑矯命雄  
行即當馳聞聲罪致討必誅不宥一切招撫机宜勅內開載  
未盡許爾便宜舉行爾受重任務殫厥心力區畫盡美予不  
靳上賞以答殊勲如悠忽悞事責有攸歸汝其勉之

設遷曰清人收山東河南勢有必然而我撫鎮在前奔潰  
守令風靡至此無復望矣王鰲永首任馳驅受命恐後則



式型于洪承疇輩耶。

辛酉東寧伯焦夢熊領中軍都督府魏國公徐洪基領左軍  
都督府鎮守安慶總兵杜弘域改右軍都督府提督大教場  
右都督鎮守鳳泗總兵牟文綬補後都督府僉書提督神机  
巡捕二營都督同知楊振宗為總兵官鎮守安慶者


江北監軍太僕少卿萬元吉請追卹陣亡總兵官猛如虎及  
故監軍閔內道副使曹心明積瘁没于綿州報可

壬戌南禮部尚書顧錫疇擬上 大行尊謚紹天繹道剛明  
恪恭揆文奮武敦仁懋孝乾宗烈皇帝孝節貞肅淵恭莊毅

奉天靖聖烈皇后蓋 列聖繼美謚號幾徧廣參經史理無  
拘牽今烈之一字詢謀僉同所未敢即安者惟廟號閣臣弘  
圖恭擬曰思臣部則恭擬曰乾 先帝十七年憂勤庶得自  
潛至元不失其正之義今併擬進呈祈聖明裁定得旨 大  
行皇帝廟號思宗餘如議

撫寧侯朱國弼提督神威營護衛孝陵 文獻高南論外聚  
劉良佐開鎮臨淮士民不服相攻下撫按和解


馬士英薦故光祿卿阮大鍼知兵臣部見闕右侍郎當救其  
往罪許之命見陛廢居金陵與誠意伯劉孔昭司業陳大鍼



盟太監李承芳及士英相善士英起鳳督以大鉞賂周延儒  
得之犬鉞終以逆案格前殿爭因之士英乘弘圖督漕出疏  
上即自擬旨  
錢謙益為南禮部尚書協理詹事府黃文煥為南編修張居  
為檢討  
史可法奏諭高杰移駐瓜洲隨營移駐盱泗可法自入杰營  
諭之不聽杰盡奪其兵反見制蓋四鎮驕悍馬士英以夙交  
籠絡之可法故水火安得聽命一至揚州即困于杰後竭心  
調濟粗安

癸亥進趙光遠都督同知提督四川陝西總兵官  
史可法奏 先帝用人原無成心傳宗龍孫傳庭起自累囚  
張鳳翔袁繼成馬士英起自成籍當吳姓奉命南征以候唐  
通兵不至遲延則過之原可者國難之作勲臣殉國者誰劉  
孔昭何不思之張慎言七旬冢卿一舉吳姓便以為罪不益  
輕朝廷而長禍亂耶  
南工科都給事中李清請謚陶安方孝孺等并蔣欽李應昇  
等從之

甲子吉王由 子慈燧報吉王播遷而薨




故光祿卿阮大鍼陛見備陳江防形勢并述前枉大學士馬士英言大鍼寃陷久矣欽定逆案署以贊導初無指實大鍼曰今幸士英申理即首相高弘圖向見同朝亦知臣寃弘圖出曰阮大鍼所對兵事臣不知兵故噤不一語若大鍼寃大鍼用則關係甚大先帝初欽定逆案大鍼預焉臣非不知其才可用但無敢翻案倘果如士英奏惟下廷臣臣某議以協公論以尊主權庶大鍼出山亦自光明上是之士英曰滿朝俱東林把持一會議阮大鍼決不用且有何不光明豈臣受賄耶弘圖曰光明非不受賄也大鍼之用何藉通賄臣

請會議正為大鍼地非沮之也臣性質直明知大鍼才而蔽之不忠也明知大鍼頗窒碍而以士英故違其心不直也不忠不直安用臣為士英加朝臣以把持昨張慎言薦吳甦陛見勲臣廷糾而止未嘗敢把持也今大鍼不加推啟中旨之漸廢祖宗成法故敢謬附他山之石乃自為把持不亦過乎弘圖出上章引退不允

南工部尚書程註致仕加太子太保

張獻忠陷四川涪州至南川

乙丑故貢士楊城張履旋贈河南道御史履旋崇禎壬午貢





士賊入晉陽遂投崖死

張慎言子

劉澤清薦故總兵陳洪範命以原官駐瓜洲

前戶部左侍郎吳履中逃至奏辨不納

監軍江北太僕少卿萬元吉奏 皇上恭謁孝陵問懿文太

子陵親為展拜乞還懿文當日追尊故號祀之寢園陵配以

建文帝纂修實錄贈謚遺忠其于輓近人心補救非淺

是之

丙寅張慎言致仕加太子太保賜金幣慎言辭疾再四有旨

晉疆未復卿已無家可歸沿途僑寓以需召命蓋品望夙著

為南渡首登上心枉之而無如勲臣何也尋寓宣城孤孫

泰茹間闕來侍數日祖孫相從足矣國亡之日慎言憤鬱疽

發背卒

戶部右侍郎張有譽始任


馬士英薦故吏部左侍郎張捷從之

丁卯戶科給事中羅萬象御史詹兆恒王孫蕃陳良弼各言

欽定逆案不當可翻阮大鍼不可用 上大是之馬士英奏

在兵言兵且引疾有旨慰留之兆恒尋進欽定逆案原本

馬士英請申大逆之誅略曰身汚偽命如光時亨力阻南遷



身先迎賊龔鼎孳降賊後每自言欲死小妾不許小妾所娶  
秦淮妓也他如陳名夏項煜等不可枚舉又庶吉士周鍾勸  
進不已勸早定江南其伯父周應秋周維持皆魏忠賢門下  
同產弟周銓從弟周鑣均當從坐上從之有旨北京陷後  
多污偽命逆惡滔天神人共憤光時亨陳名夏龔鼎孳項煜  
等并其餘從逆苟免諸臣科道官逐名嚴核具奏士英與姜  
曰廣同年不相中時亨名夏俱出曰廣門借攻之事雖公而  
意則私也  
戊辰北京逃臣多上章自理通政司使劉士楨請令回籍俟  
命從之

鳳陽搃兵年文綬奏臨淮兵民相持不解命萬元吉調輯  
故四川知縣劉旋子綿曾奏臣父崇禎十一年殉難贈  
尚寶司丞未領勅命乞補給下部察奏  
故大學士劉一璟謚文端賀逢聖謚文忠各予祭葬立祠  
已巳副搃兵吳志葵鎮守江南吳淞口

楚王上中興議


高杰自入揚州

南禮部尚書顧錫疇言聖諭郊祀時享諸禮詳開具冊臣謂

國權

崇禎十八年

五



如祈穀耕藉容有待大祀莫如郊社國初分祀十年後合祀  
嘉靖九年又分祀萬歷三年又合祀近又分祀矣今當刪繁  
就簡宜如國初合祀于孟春上辛日歲一行有旨俟明年正  
月

魯王以海泊京口命擇簡僻地泊舟


呂大器言近年溫周拉權老成凋謝一時庸奸債事中原陸  
沉皇上中興一時雲蒸蔚起不意馬士英濁亂朝政夫士  
英非以賄敗問遣借途知兵而為鳳督哉乃挾重兵入朝覲  
顏政地南國從來謁一峻發而陸殿啞啞叱詫藐至尊為

贅旒矣逆案一書先帝定為亂賊大防而士英拉大鉞于  
尊前徑授司馬布立私人趨其杰楊文聰等有何勞績倏而  
尚書宮保倏而金吾世廕也

都督同知陳洪範入朝

撫寧侯朱國弼戶部園暫作公署從之

庚午大學士姜曰廣言昨特翻逆案導內傳而廢會推最不  
可之大者先帝善政雖多而以堅持鉄案為盛美先帝  
善政亦間出而以頻出中旨為亂階其內傳所得閣臣則周  
延儒溫體仁楊嗣昌魏藻德也所得部臣則王永光陳新甲




所得功臣則李國禎也所得大將則王朴倪寵輩也所得言  
官則史堃陳啟新也皆首排衆議簡自中旨其後效亦可見  
矣 先帝既悞 皇上豈可再悞哉  
釋鳳陽高墻罪宗三百四十餘人  
鑄制誥之寶

兵部職方郎中尹民興言 熹廟時崔魏煽逆士大夫喪耻  
忘君几成苞蘖之固垂至 先帝末年天子下席諸臣或匄  
伏而拜爵或獻策以求榮皆忠孝不明之流禍也申罪討逆  
司馬職也今抗顏堂上者一逆案之阮大鍼即行檄四方何

以銷跋扈將軍之氣古者破格求才惟曰使貪使詐不曰使  
逆、案可反崔魏亦可卹周鍾諸奸皆可使之省過矣


國子典籍李模上言擁立之事 皇上不以得位為利諸臣  
安得以定策為功鎮將事 先帝非有桑榆之效 皇上未  
彰汗馬之勞議法當在戴罪之科而予以定策其何敢安臣  
不願見光復未臻而國體先褻也

巡按湖廣御史黃澍奏臣夙在北京見司農不知天下錢糧  
之數司馬不知天下兵馬之數大事糊塗所由壞也乞勅戶  
兵二部造一簡明冊置几上量入為出




御史朱國昌劾山西巡撫郭景昌泊舟清涼門外疏辨欺飾  
且論其撫湖廣撫山西種惡狀命御史驅逐削其籍景昌  
家雒陽上素聞其橫又匿李建泰餉萬金  
辛未清朝馳詔江南人曰予聞不共戴天者君父之仇救災  
卹患者鄰邦之義惟爾大明太祖高皇帝斥逐胡元剪我仇  
國永世宥民代有哲王迄乎末造吏偷民窮群盜徧野然大  
行崇禎皇帝秉恭儉之心弘仁孝之德行高世替惟日不寧  
蠢茲逆賊李自成者狗盜之雄鳴張獸視忘累世之深恩逞  
滔天之大惡蹠血京師偏隕皇后焚燒宮寢流毒縉紳以金

銀為營窟視百姓如草菅皇天震怒日月無光我大清皇帝  
義切同仇思深弔伐六師方整蟻聚忽奔斬馘膚遺川盈谷  
量游魂西遁指日擒遺予用息馬燕京撫茲黎庶為爾大行  
皇帝縞素三日喪祭盡哀欽謚曰懷宗端皇帝陵曰思陵梓  
宮聿新寢園增固允諸后妃各以禮葬諸陵松柏弗樵惟爾  
率土臣民所欲致情于大行皇帝者大我清無不曲體斯誠  
有宗靡闕宗藩之失職流離者為我存卹士紳之忠節死難  
者為爾表揚輕刑薄賦用賢使能苟濟生民惟力是視深痛  
爾明朝嫡胤無遺勢孤難立用移我大清宅此北土厲兵秣



馬必殲醜類以清醜類以清萬邦非有富天下之心實為救  
中國之計咨爾河北河南江淮諸勳舊大臣節鉞將吏及布  
衣豪傑之懷忠慕義者或世受國恩或新膺主眷或自矢從  
王皆懷故國之悲孰無雪耻之願予皆不吝封爵特予旌揚  
其有不忘明室輔立賢藩戮力同心共保江左者理亦宜然  
予不汝禁但當通和講好不負朝本彼懷繼絕之恩以惇睦  
鄰之誼其有諒力不敵北面歸誠者當各勸勅旅佐我西征  
或削平所屬餘賊用以自効無不開懷延納樂共功名來歸  
之士蠲復二年與民休息允諸恩典俟後詔頒行若國無成

主人懷二心或假立愚弱實肆跋扈之邪謀或陽附本朝行  
草竊之奸宄皆斯民之蠱賊國之寇仇俟予克定三秦即移  
師南討等彼鯨鯢必無遺種嗚呼順逆易判忠臣義士之心  
南北何殊同皇天后土之養布告天下咸使聞知中書舍人  
華亭李燾所草  
先是命司禮太監王肇基督催浙江福建金花銀肇基初名  
坤肆惡淮揚高弘圖以方爭阮大鍼不便執奏因請自往督  
催且過肇基極言東南民困肇基遂疏言而止專責成撫按  
叙濟寧擒斬偽官功以李允和為游擊將軍




蜀王至澍告急請濟師

命副搃兵朱國璽屯田四川

趙之龍言高弘圖擬先帝尊謚曰烈廟號曰思臣按謚法  
剛正曰烈有功安民秉德尊業曰烈此無庸易矣獨思字有  
未安考謚法道德純一曰思大省兆民外內思索曰思謀慮  
不愆念終如始曰思又追悔前過曰思則思固美惡相兼之  
謚也歷覽四千載無以思謚天子獨宋高宗稱思陵漢劉宇  
劉荆魏曹植皆謚思王漢劉蒼劉中時皆謚思侯當時未嘗  
未嘗不以為下謚也國朝弘治以來代王聰沐均王載夙皆

追謚曰思嘉靖中秦府東川王秉樞謚思裕弘治中閣臣彭  
華謚文思則亦未嘗以為美謚也今察上謚如文武成宣章  
光英毅純仁孝獻睿哲莊敬貞肅憲神穆昭顯熹景等外如  
照臨四方思慮果遠獨見先識曰明純行不爽安民法古曰  
定守禮執義曰端恭己正身曰靖溫恭朝夕曰恪制事合宜  
見義能終曰義今若廟號為烈則前數字似皆可謚也此外  
執義揚善曰德通明曰聖厚于禮曰聖衆善播揚曰聖誠大  
行受大名之義也乞下閣部詳酌再令諸臣集議取定聖裁  
禮部尚書顧錫疇是日上疏亦如之前擬廟號乾宗



壬申史可法言恢復大計必先從山東始薦巡按御史王燮  
可任章下所司  
賜福建總兵官鄭芝龍蟒服  
顧錫疇言祭告海嶽諸禮自請祭海  
張獻忠順流犯重慶  
癸酉馬士英言劉澤清報五月朔清人令漢人削髮是彼未  
知中國有主也宜遣文武二臣頒詔北行安夷漢臣民之心  
呂大器引疾去吏科都給事中李沾誣大器定策有異志初  
史可法馬士英手札至大器即徧傳諸臣無他端以忤士英

懼禍潛去

御史左光先言阮大鍼通魏忠賢養子傳應星殺臣兄光斗  
及魏大中楊漣今馬士英冒罪特舉明知無復罪之者上皇  
上不改先帝之政臣忍忘不共之仇耶

顧錫疇署吏部尚書

甲戌姜曰廣言長江津渡處宜防當集舟師築臺分戍益  
以閩浙之兵取給粵東之粟上然之下操江總督候春秋


大閱

劉澤清奏顧元齡選廣東陽春典史在京逃回云皇太子卒

國權

崇禎十八年

六






亂軍中永定二王于王府二條巷遇害澤清請誅呂大器謂  
起用王重又比雷演祚附吳姓也又薦張捷鄒之麟張孫振  
劉光斗及逃撫郭景昌王永吉  
巡按湖廣御史黃澍承天守備太監何志孔同入朝澍面糾  
馬士英奸貪不法且訴且泣 上領之左顧高弘圖曰黃澍  
言：有理卿入其識之命入御座前悉數其失士英愧伏不  
能辨志孔亦許士英太監韓贊周叱退是夕贊周執志孔謂  
御史抗言是其職非內臣事也 上私語贊周曰馬士英宜  
自退明日引疾因大出金幣結從龍嬖閹張執中田成等而

瑞勢開矣澍未及代意覲開府而入恃寧南侯左良玉為援  
故大言清君側之惡科口捷給出良玉手札示同官又捐貲  
九萬助餉云急公不顧其家而澍本寒素非世蓄也所上中  
興八策俱平 田成張執中向 上泣曰非馬公 皇上不  
得至此若遂馬公誰為任事者 上默然田成即諭士英疾  
入直隨有旨何志孔本當重處首輔亟為求寬具見雅度  
乙亥張獻忠衝佛圖闕破之遂圍重慶

顧錫疇奏恭迎 聖母遣官禮儀又請 建文帝景皇帝尊  
謚及復懿文皇太子舊稱 興宗孝康皇帝及建文年號



上從之按萬歷八年復建文年號錫疇今再請誤也

左僉都御史左懋第以母死北京願同陳洪範北使許之

前兵部右侍郎徐人龍自請除用

丙子故光祿卿阮大鍼再奏江防上格于眾議未即用而

督師史可法論舊輔吳甡功過原明監國首詔云除封疆

計典賍私不准起用外臣原去之不知何故並入蓋可出法

鎮懼馬士英發其私札遜詞避咎非初意也

上御午門受俘磔武愆陳奇于市愆安徽涇陽人崇禎癸未

進士

丁丑命平羗將軍李棲鳳西征

江北監軍萬元吉奏塘報闖賊死未確令彼入秦更選精兵

其鋒必銳若出高漢則徑抵襄陽承天出豫宋則直窺江北

恐將士之在上游者卻而趨下在北岸者急而渡南金陵重


地武備悉弱其何以當此乞申諭中外大小臣工毋急不可

居之功名毋冒不可違之清議捐去成心收集人望務萃眾

志以報大仇耳


馬士英請亟獎趙光遠給空札百道時陝西全陷光遠亦降

初李自成自井陘入故關吳三桂東返自成整兵而西至平



陽分兵守山西諸隘急發漢中兵西掠漢中自成起戍卒劉宗敏等皆鍛工屠人不諳號令部伍自牛金星創制僭號群盜環聽已李岩李牟兄弟來奔岩本諸生知文墨拜制將軍稍嚴紀律人心傾向牛金星因忌岩賊稱號將卒多據地雜坐不辨等威有戶部郎中吳虎降賊每呼曰吳虎吳嘗掩口笑之李岩心輕自成及敗奔賊臣多亡去勢稍衰河南山東多殺偽吏李岩等心知無成快不得志適聞丁啟光盡殺歸德諸偽官自成計所出李岩請兵二萬復下河南自成遠巡未應既退密語金星曰李岩有梟雄之姿窮而歸我苟予

以兵俾其得志難制矣金星曰河南為三秦門戶晉楚屏藩在岩則故鄉也以大兵予之舉中州之豪杰爭衡天下事未可知且又同姓十八小兒之讖彼嘗自負今聞河南變亂輒自請行意可知矣不若因而除之明日自成發兵饑之遂殺岩及討北將軍李牟于席以其兵攻漢中拔之趙光遠降張獻忠陷重慶從佛圖關轉角樓穴城根置炮震如雷城頽賊乘之入殺瑞王常浩及舊巡撫陳士奇等二萬七千餘人士奇怯雷失士卒心時帑金寄吏胥家四十二萬外尚不下十萬獻忠駐月餘設偽官左輔右弼九卿文武等官大抵



皆蜀人而舉貢諸生為多又壯丁萬餘剝耳鼻斷一手以  
狗各縣謂抗者如之能殺官紳封府庫以待則秋毫無犯由  
是所至皆降遂合水水陸之兵直趨成都


封常自俊襄衛伯世襲自俊恃舊勞時入行宮都督不滿其  
意佯乞歸兵科給事中陳子龍引英宗北狩袁彬從亡為  
比沮之不得

改內官監曰朝殿定昧爽早朝閣臣班列亞于國公餘不得  
並

駙馬都尉齊贊元宣慰各藩

鳳陽守備太監谷國珍請兵餉勅印體統視總督行事國珍  
于閣臣求勅稿自增入體統事時不能奪

戊寅定先帝廟號思宗高弘圖言天子稱天以誅明非臣  
子所得私也堯舜禹湯世稱美謚同天地不毀文王之文經  
天緯地武王之武戡禍定亂自昔遺徽義有單復若必博涉  
衆流意該美備則季孫行父可匹西伯審俞遂擬世室矣謚  
以人重非謚能重人容儀恭美魯昭公見刺于春秋而本朝  
以之尊仁廟非容儀恭美之謂也且夸志多窮武亦有累  
愍民惠禮文非絕德而周家推美文武歷代帝王多因之作



美號本朝文武諸臣謚例曰閣臣兩議各具釋義請旨點定  
至閔及乘輿惟定議上裁事體各異書曰天降下民作之君  
作之師 先帝勤卹民隱愆貪錄廉屢詔蠲逋表章六子一  
聞寇胡惻怵靡寧升遐之日猶念及百姓君師之盡 先帝  
克盡無憾臣故就謚法大省兆民曰思舉其鉅重若今昔諸  
臣有同斯謚意或別議豈在兆民彭文憲之憲詎同 憲廟  
王文成之成難例 成祖必引類苛指拘牽舊文則亡論往  
代即本朝之 二祖列宗俱可得而再議也何止 先帝為  
哉疏上仍稱 思宗自勲功遂冢宰後評尊謚薦舉條例不

一劉孔昭覲入相而撫寧侯朱國弼忻城伯趙之龍東平伯  
劉澤清俱希爰立孔昭度其陰競揚言曰 祖宗來詎有此  
事、雖止而勢焰已熾言事輒允中奔走其門如市朝政紊  
濁不顧也


故巡撫順天楊鶚浮海至懷遠侯常 薦之命預會推  
已卯巡城御史朱國昌奏東洋有騎數百驅居民稱奉命打  
糧龍潭把總王 不能拒反饋酒食輦轂之下不宜有此

辛巳命

王俞謹

馬直賚詔往北方

濟寧回兵朱繼宗復殺所署副總兵楊朴自為總兵與李允



和共事

禮部奏唐王聿鍵殉難

趙之龍薦把總黃家高為南鴻臚少卿家高故序班棄之改  
武弁至是賂進序班高夢箕揭爭之不聽


徐石麟為南吏部尚書何應瑞為工部尚書張有與吏部右  
侍郎徐人龍兵部右侍郎王一心刑部右侍郎王燮右僉都  
御史巡撫山東

馬士英在告薦故相謝陞故吏部左侍郎張捷兵部尚書張  
國維薦吳人蔣若來

鎮江兵亂搃兵于永綬劉肇基陳可立張應夢以史可調駐  
京口浙江都司黃之奎亦駐鎮江兩軍爭瓜而鬪焚東門民  
舍殺千餘人浙營兵李大開劊死可法聞之誅戎首徙各將  
于儀真

壬午何楷為南戶部右侍郎程可昌為右僉都御史巡撫應  
天

進謝陞上柱國少師前御史盧世雍進工部右侍郎巡撫遼  
東黎玉田進兵部尚書及 王應華進光祿卿擇地  
並充山陵使往北祭墓 先帝后



史可法奏揚州已安特獎勵之

國子生平湖陸濬源故兵部員外郎兄澄源冤陷語牽國

奏

本三案支離不倫通政使劉士楨駁奏命下刑部訊

安撫蘇松常鎮御史祁彪佳請留漕米十萬石駐鎮江從之

癸未故大學士文震孟謚文肅故禮部右侍郎羅喻義贈尚

書謚文介故少詹事姚希孟謚文毅故南兵部尚書呂維祺

謚忠節故大學士溫體仁奪謚以禮部尚書顧錫疇言體仁

貽毒深遠也

甲申搃兵黃斌卿防京禦口邱磊鎮守山東

御史宗敦一為南大理右寺丞

故吏部郎中程良籌贈光祿少卿故

劉申錫贈知

府故

楊之金贈

教授合祀義烈祠

司禮太監韓贊周引疾上慰留之從龍幸闈張執中田成


等方被寵任狎飲無節贊周雖嚴正見憚勢不能奪時退而

流涕

大清 易明太廟主奉 高皇帝主于歷代帝王廟

乙酉趣陳洪範左懋第北使

給募兵御史陳盡令牌



大清 命李建泰招諭凌某授巡撫某陽受之以聞。

大清 命固山額真同平西王吳三桂下山東王鰲永總督  
山東方大猷監軍署巡撫事

七月丙戌朔南吏部文選員外郎倪嘉慶改南戶科給事中是  
日召見戶侍郎張有譽言國用之匱 上顧高弘圖曰卿前  
止催金花銀何也對曰戶部止一有譽臣請譽一人佐之吏  
部員外郎倪嘉慶嘗任計曹極知源委如改戶科以佐有譽  
庶事易集從之

故河南道御史王章謚忠烈故簡討汪偉謚文烈故 摠

兵官杜松謚武壯

命崇王二子慈輝慈 僑居浙江台處


大清 檄下青州東昌臨清皆降石漢至德州張鳳翔棄東  
昌來奔

丁亥命訪邊才

起陳龍正南禮部祠祭員外郎張采儀制主事

故摠督宣大盧象升贈兵部尚書謚忠烈

福建、寧知縣蔣棻自請勤王并進所造火器巡按御史陸  
清源以聞





戊子吏科給事中章正宸言兩月以來文吏錫鞶矣不聞獻  
馘武臣私鬪矣不聞公戰老成引遯矣不聞敵愾諸生捲堂  
矣不聞請纓踞宮闕動搖山東當國大臣但紹述陋說損  
威屈體墮天下忠義之氣臣竊耻之

上聞建人南窺命史可法鼓厲四鎮扼防江淮

命巡按湖廣御史黃澍同左良玉規復承天襄陽

己丑前大學士孔貞運卒字開仲南京句容籍江西建德人  
萬歷己未進士授編修歷吏部左侍郎崇禎丙子進禮部尚  
書兼東閣大學士尋進太子太保丁丑主禮闈進文淵閣大

學士戊寅首輔六月休致己卯存問卒贈少保謚文忠

大清 以馮銓李建泰謝陞並為內院大學士

庚寅前大學士蔣德璟上中興三策許致仕


張維機楊汝成自北京至

張元始為南大常少卿

增鳳陽守備太監護衛五千人

都督同知金聲桓駐防淮揚

進左懋第南兵部右侍郎經理河北關東軍務兵部郎中馬  
紹愉進太僕少卿都督同知陳洪範進太子太傅紹愉奏往



使瀋陽曰入杏山 解寧遠圍尋至瀋陽議撫賞舊例仍減  
往額四十七萬金歸奏 先帝命故輔周延儒具書遣大臣  
偕往延儒畏言路紛紛伏地不應款局遂局

命考選官減俸行取

祁彪佳薦黃斌卿總兵鎮江

故江寧知縣楊文聰自薦邊才馬士英之甥壻也

辛卯 上面諭北使左懋第陳洪範馬紹愉顧錫疇呈祭告

粹宮文及通清 御書頌臣民聖諭吳三桂等詰券

命高弘圖姜曰廣迎 恪恭貞壽皇太后先是馬士英奏報

聖母匿河南鄆家寨有常守義悉之奉迎當密高杰所部叅  
將王之綱嘗招撫李際遇又兵部主事王真卿聯絡河南各  
山寨可密諭更可法以二人同內官往令際遇具舟于河護  
至徐州始備儀衛從之


設遷曰今春自懷慶南渡非雒陽寇陷之日也意 聖母  
先迎養何至相失其事殆不可解雖白龍魚服脫路民間  
而 帝之敝屣其親無待乙酉五月矣其所厚者薄他又  
又何顧焉

張鳳翔貽摠兵邱磊書止其北行

國權

崇禎十七年

六九



壬辰惠王桂王駐廣西魯王崇王駐浙東

汰武官札委止許樞督撫鎮

故吏部右侍郎葉盛贈尚書故吏部尚書羅欽順裔順孫某  
補廢監

賑淮揚難民

癸巳劉之渤為南右僉都御史巡撫四川范鑛為右僉都御

史巡撫貴州

命刑部定從逆諸臣罪倣唐六等法


御史朱壽圖巡撫按四川

李之椿為南光祿寺丞

甲午給山東撫鎮十萬金資餉

加河南降盜李際遇劉洪起搃兵官防禦河南

江南青浦知縣陳燠奏崇禎十四年正月雒陽失守舟迎接  
聖駕于陳家河北渡黃河進麥餅再渡夾河駐孫家灘賊不  
及追臣夜進粥凌晨送駕今年三月二十五日臣謁淮安面  
諭舊勞臣且感且媿謹陳中興大務四事故天以收人心法  
祖以貽久安用人以為股肱進講以御經筵倘蒙面對少進  
愚悃



乙未試神器

定京營之制如北京杜弘域楊御蕃牟文綬補三大營總兵  
劉澤清薦大將馬化豹栢永馥聽督撫題用  
募兵雲南御史陳蓋給三萬金資餉  
甲申真定知府邱茂華脫身南歸上章自列稱効死固守不  
從胡寇  
命禮官中元節祭恭皇帝陵  
丁酉史可法叙山東倡義諸臣張鳳翔等命次第擢用  
嚴六曹註銷法


都督杜文煥領巡邏巡捕二營

戊戌撫寧侯朱國弼以會推家臣不預言會典推閣部當用  
五府 上詰其何據時勳臣妄撓銓政

賊出關自洛陽攻密縣李際遇小寨

史可法奏胡馬南來廟議定遣何官用何勅辦何銀幣派何  
儻從議論徒多光陰已過萬一不至河上後遣不中國無人  
而北伐無望耶

己亥南兵部職方員外郎李向中奏荆襄速設重鎮募兵措  
餉據其上游與淮鳳犄角使賊不突漢黃庶可保障江南也



并留巡撫何騰蛟毋留鎮


左懋第言臣經理河北關東夫河北則山東北直也關東則遼東矣遼東久屬建北直今全陷山東雖殺偽官多賊聞膠州被圍賊至十餘萬經理定有封疆之責而往議金縉歲幣之事名寔相乖此銜之當議也馬紹愉昔往款辱國御史陸清源糾之其通下臣誠不知但聞其所許金十萬銀百二十萬逢人頌下臣不便與之同行也

章正宸補南吏科都給事中

庚子 上萬壽節受賀于武英殿

開封府推官陳潛夫入朝授江西道御史巡按河南

總督川貴改巡撫貴州巡撫偏沅改總督川貴雲廣駐荆襄  
浙江總兵王之仁奏開屯大榭金塘等山章下所司金塘大榭直定海縣南環海中舊昌國縣之金塘鄉也國初湯和虛其地萬歷元年巡撫委寧波同知段孟賢丈計金塘大榭共田蕩三萬餘畝前御史李邦華浙江總兵劉鎮藩各奏開墾許之不果行補謚國初功臣國初都指揮使馮國用謚武翼總管丁德興謚武震德慶侯廖永忠謚武勇定遠侯王弼謚武威長興侯耿文炳謚武愨



史可法奉行徵辟令撫按司道及京堂科道不拘賞格各舉一人進京赴臣軍前酌補西北守令如江北山東河南能保護服民者即本土亦權宜錄用

辛丑南吏部尚書徐之石麒之任

劉孔昭朱國弼條陳新政一吏部用人必勲臣商確一各部行政必勲臣面定一 皇上圖治必勲臣召對

壬寅史可法奏邱茂華北來云吳三桂兵次慶都立大清順

治元年旗迫人削髮則三桂之無意本朝已可見矣

南兵科給事中陳子龍糾莊應會督漕狼籍

癸卯故隨州知州王燾謚忠愍故巡撫山西蔡懋德謚忠愍俱陣亡


顧錫疇奉命祀東海管紹寧以禮部右侍郎署部事

賊偽檄至東昌聲言兵二十萬由曹縣至金鄉

甲辰叅將夏有光偵賊至台兒庄知李自成在平陽整兵濟河而南盡徙太原潞安縉紳于長安

補謚國初穎國公傅有德曰武靖宋國公馮勝曰武壯御史中丞章溢曰莊敬太子正字桂彥良曰敬裕

乙巳奪故大學士溫體仁薛國觀周延儒及總督尚書熊文



燦官詹御史鄭友仁奏體仁國觀悞國之罪大學士王鐸擬  
旨削之


巡撫應天祁彪佳請設江南餉司下部議  
李自成遣偽都督馬科下保寧

丙午左都督陳洪範經理河北聯絡關東軍務左懋第此行  
賜以千金前收水師四百另餉二萬

劉澤清高杰等劾左都御史劉宗周勸上親征以動搖帝祚  
奪諸將封以激變軍心不仁不智獲罪名教請付臣修之軍  
前有旨憲臣生平原以議論取重姑不問則馬士英所擬也

劾章出劉澤清借高傑杰黃得功左良玉劉良佐等等名澤清  
以稿示杰，驚曰吾輩武人乃預朝中事乎得功聞之奏辨  
臣寔不預士英屏其奏史可法以所劾詢四鎮皆云不知可  
法遂言前奏乃黎邱之巧溷澤清又上章攻可法謂疏寔其  
所上因可法偶問故偶問混及之至尊之前修偽修真而士英  
方快于逐劉宗周姜曰廣不復顧大柄之委去也

南吏科都給事中章正宸上言銓政曰名器宜慎定策者既  
懋厥賞其餘人自請叙十倍增官輦金不足供刻印寧免取  
菓之誚曰職掌宜專用人獨歸吏部今有咨送有薦拔有奏



乞冢臣所職几何曰封疆至肅文武共寄封疆不斬悞國之  
臣不激報國之氣曰廢官宜飭爵重則人乃勸法守則士知  
恩累起廢不自靜聽豈不聞罷吏不入國門乎

清人索山東沂州戶冊

國初左都御史唐鐸謚敬安行在吏部尚書劉崧謚恭介東  
莞伯何真謚恭靖平遙訓導葉居升謚忠愍

丁未巡按湖廣御史黃澍奏麻城劣生周文江為張獻忠兵  
部尚書引賊破省有錦衣衛左都督劉僑託文江進羨妾玉  
杯古玩數萬金于獻忠拜錦衣大堂比左良玉恢復斬黃僑

削髮私遁尋送赤金三千女樂十二人于馬士英今四月士  
英委黃鼎署印麻城麻城洵凡禍僑獻銀三千助軍臣批  
從之陽還武昌黃鼎代解千金玉帶二金珠冠一臣批令變  
價助餉收支皆有司存可據也


李自成偽將宋朝臣兵至杜勝集兵部職方主事命標將張  
成初擊之戰于桃園賊敗追斬朝臣  
甲申南刑部右侍郎賀世壽請會議故大學士周延儒贓案  
上以定自先帝仍如故

朱國弼劉澤清各請增家軍營將祈戶部給餉

國權

崇禎十八年

七十五






已酉劉孔昭薦循良卓異內馮大任即戶科所劾之贓私狼  
戾者

庚戌南吏部尚書周堪賡久不至上召戶部右侍郎張有  
譽為尚書以召對簡切特用之吏科都給事中章正宸執奏  
中旨不可開繳還御札于是高弘圖曰六部有執奏六科有  
封駁而閣臣職在輔弼謂之政本遇有傳奉于祖宗成憲  
宜爭者輒為封還蓋美歸人主而臣下無其名凡此則閣臣  
得職治象也否則閣臣失職亂象也今傳陞張有譽為戶部  
尚書臣等相頌低回者久之謂六卿之長不經會推而出自

傳陞閣中宜有一奏祇緣有譽真品真才非由他途以進  
陛下知人善任臣等急于將順竟少一爭執致科臣章正宸  
封還御札非爭其人爭其事也在科臣為循職在臣等為無  
辭失職之咎今日進一張有譽舉朝以為是宜進也猶煩科  
道爭之設他日更進一非張有譽者舉朝以為是不宜進也  
其起而爭之者恐又不獨一科臣矣由後推今臣等益無所  
責則中興諸臣如章正宸者臣等寔不能無愧乞天語褒嘉  
正宸以為科臣守成憲得言責之勸所奉聖諭恭繳御前仍  
下吏部循故事推正陪祈簡用科臣一舉而主聖臣直新政




之光孰逾于此 上不聽張有譽清勤敏慎于時有稱正宸  
恐阮大鍼藉口故力杜之  
劉孔坤薦錢位坤曾經吳三桂收用忠賢可信長安所刻國  
變錄為奸徒借題害人不止龔燧受屈也亟請收用位坤  
辛亥以涂仲吉朱永明為南翰林院待詔仲吉永明皆救黃  
道周瀕死

杜文煥提督巡捕營

先是南昌宗貢生朱統鑰誣奏姜曰廣貪賄淫酒當定策告  
廟時遲、不至顯有異志詞連史可法張慎言呂大器等蓋

馬士英忌可法名重欲借定策擠之而已專其功又阮大鍼  
憾諸公次骨草奏託統鑰上之高弘圖擬旨究治統鑰責改  
票至再是日召閣臣入 上厲聲曰統鑰我一家何重擬也  
因歷責弘圖如止催金花銀請召還史可法等事弘圖抗辨  
王鐸亦旁辯之士英獨默 上立命改票士英擬入明日弘  
圖補奏且乞休且不自奏矣可法初困于高杰儀從散落弘  
圖欲召還而士英以奪其本兵故陰構之

巡按蘇松常鎮御史周一敬請表故貢士張世偉顧雲鴻遺  
行從之



壬子諭廷臣和衷集事息兢圖功列頸之交仇忘廉藺同車  
之雅嫌辰復恂朝廷以此望諸臣諸臣以此體朝廷德意君  
臣之間禮全終始否則祖宗成憲弗尚姑息  
高弘圖請選婚從之


命經筵擇吉暫開于武英殿魏國公徐洪基知經筵事高弘  
圖姜曰廣馬士英王鐸俱同知經筵事禮部尚書錢謙益右  
侍郎管紹寧詹事陳盟充講官編修張居充展書時大學士  
高弘圖請開經筵置日講從之  
南戶科給事中熊汝霖言時政忤旨奪歲俸

高弘圖姜曰廣各屢引疾馬士英專柄醜正崇諛漸進其私  
人四鎮連于外勳閹附于內樹黨招賄 上益淫酒輒免朝  
乙卯劉澤清奏褒封故都督吳襄使三桂知感劉孔昭奏三  
桂父子宜加殊禮舉朝皆知三桂無心本朝而勳鎮兢獎之  
不置

李自成大封賊黨開國大軍師宋獻策 侯田見秀

侯李過 侯天祐閣大學士牛金星 伯餘提督四路

戎馬唐啟原權將軍劉崇文正監軍戈寶毅將軍馮岳左監  
軍王年銳將軍容天成右監軍王賈果將軍柏止善左右先



鋒苗人鳳祖有光龍護將軍王時清豹略將軍張澤前先鋒  
黃無昏龍颺將軍顧永壓隊大將軍朱浦迅將軍吳風典征  
西將軍李承元右擊將軍趙禮協贊將軍孫世康鎮東將軍  
陳浪虎賁將軍苗之秀圖南將軍張霖等封賞有差改秦師  
為正朝秦師前石坊自倒又大樹二俱數圍一折枝一中斷  
人咸異之

八月丙辰朔 上受朝諭錦衣衛都督馮可宗遣校緝事

張獻忠兵抵順慶降之

丁巳光祿少卿沈廷揚奉命海運米十萬石吳餉三桂道梗

不可行廷揚請止之不聽


戊午楊鶚為南兵部右侍郎總督川貴湖廣、西

王廷垣管紹寧為南禮部左右侍郎易應昌為南左副都御

史熊維典為刑科給事中

南兵科給事中陳子龍言安內始可攘外省事始可薦官乞  
減監司以重郡守之權 上是之

御史朱國昌言往者賊入北京自閣部以至庶僚有不叩首  
賊廷者乎及賊去又藏頭搖面駕言不屈潛踪覓綫異燃死  
灰如梁兆陽何瑞徵等萬口唾罵至劉大鞏等耻心蕩然當




與周鍾輩並行正法者也  
已未賀世壽為南戶部尚書提督倉場  
東寧伯焦夢熊請卹殉難勲臣之後從之其遺失之誥券請  
准補給  
庚申南吏部尚書徐石麒薦前提督朱大典王永吉有旨永  
吉身任督師致北京淪陷朱大典贓衣狼籍 先帝嚴追未  
結何得朦朧推舉馬士英以賄不至故擬責尋賄至仍擢用  
之  
張獻忠圍成都

辛酉叙翼戴功進史可法少保武英殿大學士廕錦衣衛指  
揮僉事高弘圖太子太傅吏部尚書姜曰廣太子太保禮部  
尚書禮武英殿大學士王鐸太子少保戶部尚書文淵閣大  
學士廕中舍書人

丁起楚魁南兵部右侍郎提督湖廣河南軍務兼巡撫承天  
德安襄陽

命徐弘基高弘圖江北迎 皇太后  
復劉同升陳于昂南脩撰陳之遴趙士春編脩  
張作楫為南光祿少卿




南刑科給事中袁彭年言設廠衛緝事非興朝所宜 上以  
狂悖謫浙江按察使照磨彭年又言偽吏政府侍郎喻上猷  
開薦荊州紳衿江陵貢士陳萬策李開先義不污偽命萬策  
自經開先觸牆死

壬戌命左良玉鎮武昌圖恢復進左夢庚惠登相毛顯文都  
督僉事提兵官盧鼎李國英都督僉事署提兵官

許流寓江南充貢諸生  
癸亥諭戶部以前差內臣催直省軍餉并內庫錢糧回輔臣  
高弘圖科臣羅萬象請止今需用甚亟該部再嚴催限八月

全輸  
甲子前禮科都給事中沈胤培為南太常少卿貢士李遽為  
南兵部主事

前巡按山東御史余日新聞變先逃削其籍  
逮降賊平陽知府張嶙然戶部左侍郎黨宗雅祭酒薛所蘊  
宥方拱乾衛胤文等從尚寶司卿程正揆之言  
張獻忠陷成都蜀王至澍投井死巡撫四川龍文光及司道  
成都知縣太倉吳繼善等死之獻忠大索全蜀紳士至成都  
盡慘之已懸榜試士伏兵擊殺數千人威挾管握冊以就死



又大殺蜀人成都重慶叙夔數千里無人跡  
彭孫貽曰張獻忠之殘暴不亞于自成乃其屯于舒城也  
牛酒以結廬人困于巫夔也原賂以賂蜀人豈彼暴于今  
而仁于昔哉猛獸于之罹于機也卑身弭耳以擾于人逮  
決踏以走而肆攫也彌甚哉蜀人之愚也嗣昌困賊于困  
谷斬山室隘斷其蓋芻不一月而僵什填谷矣獻忠既滅  
合秦蜀楚豫邊鎮左帥之兵以扼自成自成雖破南陽其  
衆未集不難撲滅也蜀人憤客兵之掠不告賊所在縱獻  
忠以出硤流毒荆襄潰裂海宇乘虛入蜀土無噍類矣

蜀人縱賊而適以自屠豈不哀哉

乙丑徐一范為南鴻臚卿

南吏部以四川道遠自監司守令各選數人隨巡按御史米  
壽圖量才署置從之

丙寅南兵科給事中馬嘉植言時政 上切責之

南戶科給事中熊維典言魏國公徐洪基特薦張捷亦見勲  
臣勤于薦吏至朱統鑣特參姜曰廣汚及家庭曖昧如此不


駁朝廷設立言官何為也


進張天福副提兵防守淮安

國權

崇禎十八年

八十一





故福建邵武知縣趙林翹賂吏部文選主事繆沅御史金汝  
礪求復官值變責償而閩安撫御史左光先奏其事並逮之  
戶部尚書張有譽言湖廣殘困命免今年田租

丁卯皇太后至自河南入儀鳳門長刻上迎于午門

戊辰進東寧伯焦夢熊太師

劉良佐移鎮壽州

庚午馬士英薦汪碩德兄弟招募水師造船

夜月食

辛未南御用監太監諸進朝請給工科龍鳳牀座等器飾并

宮殿陳設金玉各項約數十萬金工部何應瑞苦力絀懇崇  
節儉

壬申起越其杰南右僉都御史巡撫河南樊一衡為南兵部

右侍郎總督四川陝西

前監軍僉事罷閑僑居金陵

練國事為南兵部左侍郎朱之臣為刑部左侍郎劉士楨為

工部右侍郎陶精齡為尚寶司卿兵部主事凌為為東昌

兵備僉事

起文安之南詹事府

國權

崇禎十八年

全三




南工部左侍郎高倬言在署辦事光祿寺開器四一萬五千七百餘件該費六千八百六十餘金厨役衣帽料銀九百四十餘金今寇胡方張索械餉輒十萬計將何支望 皇上一熟籌也

故工科都給事中許譽卿以監生陸濬源奏辨兄澄源牽引三案且詆及臣夫當日諸臣以翊戴 光廟為正今日諸臣以翊戴 皇上為正均從倫序起見耳 光廟母子無間先帝身殉社稷何嫌何疑而小人無端假手于濬源 先帝久任溫體仁養寇釀禍使得生榮死寵竊謚文忠 皇上追

削萬口稱快濬源乃頌其平章之功甚矣若輩之敢于黨奸欺上也

癸酉故浙江叅政楊師孔贈南禮部右侍郎兼侍讀學士廕監師孔嘗授翰林待詔侍先恭福王馬士英以師孔姻舊追卹優渥

南兵科給事中陳子龍上言中興之主莫不身先士卒故能光復舊物 陛下入國門再旬矣人情泄沓無異昇平清歌漏舟之中痛飲焚屋之下臣誠不知所終矣其始皆起于姑息一二武臣以至九百政令皆因循遵養臣甚為之寒心也



子龍尋省莖

南刑科給事中熊維典言臣觀目前大勢即偏安亦未可穩  
兵餉戰守改為異同恩怨一二人之用舍始以勲臣繼以方  
鎮惟筆舌之是爭真可笑也且以匿名而逐舊臣以疎賤而  
參宰輔飛章告密端自此始厥衛之害橫者樹威黠者牟利  
人、可為叛逆事、可作營求 先帝十七年憂勤止厥衛  
一節未免結怨 先帝隆重武臣而死綏敵愾十無二三叛  
降跋扈肩背相望 先帝委任勲臣而京營銳卒徒為寇籍  
先帝簡任內臣而開門延敵且噪傳聞及今踵之尤甚于舊

臣誠不知何說也

甲戌脩西宮園居 皇太后

安撫浙江御史左光先報土盜勾連逃兵義烏東陽許都餘

黨復亂


許周王世子紹 寓蘇州

乙亥黃得功劉澤清劉良佐高杰合奏姜曰廣劉宗周謀危

社稷 上不問

太監孫象賢至自北京命留用

丙子宗貢生朱統鏞又誣奏姜曰廣及守制武定道僉事雷



演祚禮部員外郎周鑣工部右侍郎陳必謙庶吉士周鍾等有旨演祚鑣必謙鍾草秩下刑部獄初演祚憂居金陵聞變私議及潞王詹事姜曰廣雖座師叱其邪說今反誣曰廣以陰陷史可法也周鑣矜倨嘗輕阮大鍼大鍼最銜之陳必謙北轉邑人錢謙益求復官未遂今入京首詆之結懽馬士英同諸勳貴專言定策意逐高弘圖姜曰廣代之而謙益先入金陵亦謀迎潞王又心昧之矣馬士英立心疎濶原無意殺人故未遽興大獄而每上疏一日奸黨再曰奸黨搃以擁立二心為自然擁立懷二心者不過錢謙益雷演祚劉履丁等

數人與諸臣何預而欲一網及之也

中旨補張捷南吏部左侍郎

丁丑桂府安仁王由櫻訴寶冊被劫出奔

封鄒存義大興伯存義為皇太后弟原儀衛司正千戶東


城兵馬指司揮帶俸

山東兵備僉事凌改浙江道御史巡按山東給空札一百

量才補官在臨清陽事建馳奏亟乘机恢復

追封吳襄遼國公謚忠壯祭十六壇

增安慶舟師五千



諭兵部叙迎 慈鑾功

南戶科都給事中羅萬象省喪

戊寅趣巡撫山東王燮提兵邱磊之任進磊都督同知竟排  
徇淮上不行

進士王曰俞請褒江南長洲諸生許琰

諭戶部遣司官察各省稅糧自十五年為始

已卯故左都御史李邦華贈太子太保吏部尚書故福府長

史黃秉石贈少詹事廕監

高弘圖何應瑞等乞宥罪督王永吉仍任山東從之馬士英

言法不可原不聽

王潔為南右通政路進為浙江按察使

庚辰 皇太后諭禮部曰 皇帝憂勤萬幾中宮久虛坤位


需賢襄化源于垂裳閨門協和綏定萬邦在阼在旁潔豆籩  
以事先廟社稷之贊也且早兆熊祥以錫羨于無疆其無乃

不僅鷄鳴視朝之警乎爾禮部其廣選淑女德宜閒靜布大

命于遐邇卜婚擇吉俟 月日會同閣臣司禮監韓贊周迓


禧以告天地山川之神大婚維敬筐篚九十爾其慎承儀典

罔有故懈以光昭于天之業忱榮懷于邦亦惟 皇帝齊治



之慶欽哉  
高倬為南刑部左侍郎王心一為工部右侍郎補馬兆義為  
禮科給事中成勇為浙江道御史方煒為南吏部稽勲司員  
外郎  
辛巳姚思孝為南大理左少卿補李長春李模楊一樵張瑄  
湖廣河南雲南貴州道御史  
通政使劉士楨引疾去  
陝西道御史王孫蕃劾簡討方以智劉世芳北京逃歸復撰  
偽書顛倒是非命逮下法司

史可法奏臣皇天渡江豈真調和四鎮哉朝廷之設四鎮豈  
直江北數郡哉四鎮豈以江北數州為子孫業哉高杰言進  
取開歸直搗閩雒其志甚銳臣于六月請糧今幾月矣寧有  
不食之卒可以殺賊乎臣子慘遭國難何暇計此一官陋晉  
宋之偏安不在空言貴有濟也  
故河南道御史王章贈大理卿  
壬午吏部推太常少卿李沾通政司有旨李沾另擢  
安撫浙江御史左光先請存問前大學士錢士升吏部尚書  
商周祚從之



命丁魁楚整兵剿寇勿分楚豫界其承天德安巡撫事俱歸  
何騰蛟

東平伯劉澤清奏進取之計募數十萬之兵儲數十萬之餉  
備馬十餘萬整頓器械一二年乃可渡河惟恐姜曰廣劉宗  
周不得黨勝為快臣不能隨輔臣亟于一渡也今已入  
臨清合兵南下賊已道雒陽攻密縣如此光景不至河寇  
不江至不止也


福建提兵鄭芝龍封南安伯  
授康永寧都督僉事世錦衣衛千戶

郭維經為南右僉都御史王志道南戶部右侍郎申紹芳戶  
部右侍郎督餉江北沈猶南兵部右侍郎添設瞿式耜應天  
府丞

前武英殿大學士王應熊兼兵部尚書提督川湖雲貴軍務  
開府于遵義

許前巡撫承天德安漢陽王揚基巡撫偏沅湖北湖南李乾  
德赴督輔王應熊行營任事

南禮科給事中張希夏言近日文武薦舉冒濫命禁之  
甲申賜王應熊尚方劍便宜行事給餉三萬金付巡撫范鏞



攜往

乙酉奉使兵部左侍郎左懋第奏山東人心亟可收拾命下廷議時吏民人自為守撫鎮不至無所稟承清人傳檄責郡郡縣獻籍漸奉遵依識者惜之

吏部覆故山西巡撫蔡懋德贈廕有旨懋德身任封疆縱賊渡河禍延君父死何塞責且太原未聞十日之守豈有糧盡援絕之事前議謚欺狗贈官廕子還確議具奏

吏部請復故刑部司官張名錄劉沂從之名錄以姜瑛熊開元事除名


安遠侯柳昌祚薦阮大鍼從之即添注兵部右侍郎群臣不得仍前把持

太監蘇養性自請催金花銀命俟之

許四川解黃連間歲折進

進田仰為南兵部尚書廕錦衣衛指揮僉事追論先年貴州桃紅壩功

是月陳洪範左懋第次滄州遣副總兵何先致吳三桂誥券述使指三桂不發達于攝政王王召見于南城責來聘之遲對以江南道遠事不先聞明日謁三桂進誥券不視賚



還

四川搖賊五萬降于張獻忠

國權

鹽官設遷孺木著

弘光元年乙酉

正月乙酉朔上御武英殿受朝賀

庚寅清人往清口以登州天津水師巡海

辛卯清人會沂水

壬辰南兵部右侍郎阮大鍼報江上築堡

禁四六駢辭


補馮志京張懋梧南京四川道御史袁弘勳廣東道御史余

國權

弘光元年

一

國家圖書館, NATIONAL CENTRAL LIBRARY, TAIWAN, R.O.





颺為南吏部員外郎

史可法薦劉湘客贊畫又請擇將守邳州

劉澤清奏增舟師

給江南丹陽郵符如北京良鄉例

夜流星入紫宮

五癸巳大雷電電

豫王阿吉哥入潼關英王蟒蛇塔自延安至英王膂力絕人強忍嗜殺率三萬騎西征山西陝西所至多降李自成悉銳逆戰騎衝堅賊披靡不支斬首數萬劉宗敏等被殺眾大

敗自成棄西安欲焚府庫偽澤侯田見秀曰秦民甚苦毋重累之乃止自成走商雒見秀降剩寇止千餘人

夏允彝曰嗟乎一稱天驕其荐食中夏無足怪也寇皆累

朝長育之赤子乃墟我宗社使 聖主蒙難中宮從馬東

宮二王皆為所獲此其罪萬刃不足刺也破京城不及四

旬每欲僭位受朝擇四月二十七日而迫于吳三桂倉皇

出走自古大寇敗亡亦未有如此之速者誰曰天道無知


哉

史可法奏陳潛夫報清人豫王自益縣渡河約五六千騎步

國權

弘光元年

二



卒尚在軍懷欲往潼關皆李際遇接引長驅而東刻日可至  
况攻邳之下未返濟寧豈一刻忘江北哉請命高傑提兵二  
萬與張縉彥直抵開雒據虎牢劉良佐貼防邳宿從之命給  
閩銃三千枚時清人渡雒陽撫按俱避于穎壽沈邱封金皇  
鍾斗為南太常少卿  
撫兵許定國約高傑會于睢州  
馬士英請錄故巡撫貴州陸獻明功命廕監  
提督張縉彥巡撫歸德開封河南率提兵王之綱定許國等  
防河征剿河北潼關越其杰仍巡撫汝寧南陽黃州率劉洪

起等恢剿楚豫

巡按河南御史凌駟監各官經理河北山東招諭召陳潛

夫回京

御史沈

督餉侍郎申紹芳以兩淮運司輸萬金渡江為提兵鄭彩截

留詔諭彩勿拉

甲午起鄒之麟應天府丞四川布政司叅議遵義監軍


給凌駟吏部空札三十兵部空札一百待矢義南歸之士

諭各推官察官役冒破工料

國權

弘光元年

三



乙未授王業成錦衣衛指揮僉事屠夢龍副千戶以迎駕

補高允滋南京雲南道御史

史可法奏北使已旋和議無成向全力禦寇而不足今復分以禦下矣唐宋門戶之禍與國終始意氣相激化成恩仇有心之士而無識之人反以為快孰有甚于戕我君父覆我邦家者不此之仇而修睚眦之微真不知類矣此臣所望于廟堂也先帝待諸鎮何厚和不成惟有戰非諸將之事而誰事也閫外視廟堂廟堂視皇上尤深恩痛憤無然泄盜古人有言不本人情何由恢復今之人情大可見矣

南刑部尚書解學龍奏從逆罪案報可以初元停刑

考選各官林有本沈應昌張利民韓接祖錢源來集之徐方來莊則敬為給事中黃錫衮丁胤田劉襄夏繼虞張兆熊郝

錦王大捷畢十臣姜應龍郭貞一劉世法為試御史張

鼎隅為戶部主事何平黃端伯為禮部主事

御史游有倫極言朝臣鎮將背公植黨

丁酉命天財庫內監五十三人入宮演劇上好狎飲聲樂


不輟

夜河南援剿總兵許定國殺高傑于睢州傑清澗人與李自

國權


弘光元年

四



成同起成卒潰而為盜號翻山鷄自成漸強傑附焉自成掠  
得邢氏嬖之命傑護內營傑通于邢氏洪承疇累破群盜自  
成飢困乞降未決其衆散亡勢稍衰傑竊邢氏以所部奔降  
于承疇累從征自成恨傑必殺之傑亦陰為備禦賊必悉力  
積功至偏裨孫傳庭督師表傑為中軍副總兵傑深知自成  
行軍曲折傳庭以為前鋒大破自成傳庭遂輕賊長驅深入  
中伏而潰秦兵多降賊傑以宿隙避走山西歸于蔡懋德自  
成渡河追傑、擁兵掠河北山東遂至徐邳所至攻剽馬士  
英招之置徐州屬南都推戴福王士英挾傑等以兵臨江脅


制朝臣傑遂据揚州鹵掠載道揚人切齒俄封興平伯連攻  
揚州城吏可法詣其營諭之為傑所留分其牙兵邀可法上  
書干請無忌擁兵跋扈可法不能制回命傑屯瓜洲傑益恣  
掠連檣數里鄭鴻達戍金山命善水者泅江中奪數十艘鹵  
獲巨萬傑兵不善水自是稍戢初傑為盜劫許定國殺其一  
家惟定國走免後與傑同為列將心銜之秘而不言陽為交  
懽定國素桀驁不馴念諸將多不奉詔傑罪尤甚朝廷力不  
能誅之苟一旦襲取之併其兵以自強天子亦不深罪也乃  
益事傑、信之請讓以睢州益喜至是傑頓兵城外止從千



騎飲終日衷甲于寢室傑醉未起伏者擊殺傑一軍皆譁  
互相殺傷摠督張縉彥監軍李昇走免定國自歸于可法列  
狀上請可法以傑固有罪然已封爵開藩定國一鎮將擅誅  
藩臣此而不問無以服諸將心藩鎮人自疑不復可使矣  
上不報傑營將士咸攻定國定國上書逡巡不得請走河南  
降豫王。

設遷曰藩鎮跋扈首于高傑所部驍悍雄視諸將忘其通  
孽裂以茅土方因我史相國目無朝廷賴史相國調御之  
力傑欲為我用翻然北征抗旌中原扞圍河北馬諒未

能南牧也陷于仇刃自貽伊戚而朝廷失一戰將或天之  
奪我魄耶許定國敢于殺傑其才似非人下貴陽遠在朝  
未及應卒須假史相國立擇智計之士招致定國曰興平  
中酒二三健兒不律有彭寵漁陽之變于將軍無預為弟  
捕治數人足正其法則定國之心安可無中行說之患又  
優傑之死贈恤加等則興平之心亦安部曲胥慰矣乃明  
綸所頒歸獄定國雖得其寔獨不念定國投北將何所底  
大之為劉豫次之為李全勢有必至驅梟雄之人于方興  
之敵以自剗其肉此寔南北興亡之大机貴陽不察泄



視之而史相國于指縱之間亦未一、中其際也悲夫。

戶科給事中陸朗請覈學田輸穀裕國從之

偽長葛令馬濬為河南副總兵郭從寬械入京伏誅

進李誠鉅太子少保所請肩輿不許

戊戌華廷秀為南光祿少卿

南戶部尚書張有譽言舊制錢糧必解部派發于外宜著為

令從之

太監高起潛請佃江南丹陽練湖歲可入五萬金從之

設遷日舉中原而棄之乃開屯金堂大瞿佃練湖毛拾髮

美亡國之規往々如此

太監孫象賢劾兩浙巡鹽御史李挺虜課二十六萬有奇不

容臣報

凌駟請早定恢復大計命專畀劉澤清王永吉

夜亥朔月食

己亥劉澤清報年終措餉給兵 上獎之諭行間事宜朕不

中制


庚子南戶部定白糧折價一兩五錢

辛丑 上御煖閣賜馬士英蟒服及金

國權

弘光元年

七




南史部左侍郎蔡奕琛兼東閣大學士直文淵閣枚卜時錢謙益阮大鍼李沾等各有奧援而奕琛以誠意侯劉孔昭薦得之大鍼築堡江上聞之馳還怒馬士英無及  
大監劉義兆下掖庭獄  
壬寅南寧侯左良玉請留撫臣何騰蛟有旨設五省總督不惟恢復荆襄且接應巴蜀騰蛟候高斗樞到任方行移鎮  
癸卯劉孔昭請裁內地監紀官且澄汰武秩從之  
南工科左給事中李清泰奏故祖禮部尚書思誠天啟末被誣入逆案章下所司

正一真人張應京入朝

左都督陳洪範予告假三月

叙殿功工大學士馬士英王鐸王應熊史可法各金二鎰幣  
四工部尚書何應瑞左右侍郎高倬劉士楨各進二級廕監  
工科給事中李維樾御史游有倫周元泰各進一級主事朱日燦秦祖襄各賜金幣有差

太監韓贊周進三級廕南錦衣衛指揮使賜金二鎰幣四廬  
九德劉文忠屈尚忠張執中田成王熬肇基高起潛孫象賢  
車天祥各進二級廕錦衣衛指揮同知喬尚谷何志孔趙興



邦李燦蘇養性孫珍諸進朝各進一級廕指揮僉事孟國泰  
張秉正廕百戶李國輔千戶  
督餉侍郎申紹芳言故祖大學士申時行先年保護宮闈至  
情報聞

甲辰馬思理為南左通政張時暢為尚寶司丞

故編修吳孔嘉奏三朝要典宜刪崔呈秀等附入章下所司  
兵部主事李爾育奉命宣諭李際遇劉洪起不值見張縉彥  
于睢州而回

乙巳江南溧陽縣李思謨不令童生納金馬士英叅降五級

追燬各貪官誥勅

保國公朱朝弼言法司議從逆賣法結案 上大怒罷刑部

尚書解學龍令都察院大理寺回奏


南京河南道御史張孫振言從逆北來諸人乃賊棄之而來  
非棄賊而來解學龍恣意舞文相臣昧心罔上國是混淆乞  
勅公鞠蓋前旨王鐸所擬故摘及  
故巡撫山東陳應元廕子入監  
始稅契

總督袁繼咸言三朝要典不必重陳有旨 皇祖妣 皇考

國權

弘光元年

九





无妄之誣豈可不雪事關青史非干宿恨群臣當體朕意

吉府棗陽王恭 求居宣城不允

丙午迎 皇考御容于大内

起唐世濟南左都御史曾寅亮為南大理卿戴英為南兵部  
左侍郎

丁未尚寶司丞耿章光奏父如杞勤王之禍 上念其首倡  
可閔下部察議

南通政使楊維垣言張差瘋癲坐為刺坐者王之寀也李可  
灼紅丸云鳩者孫慎行也李選侍移宮云垂簾者楊漣也劉

鴻訓文震孟祇驅除異已其于君父何如也此要典一書重  
頒天下必不可緩

戊申督師史可法奏監軍右諭德衛胤文揭稱贅員求還朝  
臣討賊未效冀立尺寸仰符簡書已往積堡展几少贖 上  
上慰留之

摠兵鄭彩請全給蘇州關稅命半之


給都督同知林翹誥命翹江南江浦人善星命馬士英薦授  
中書舍人先冒武銜蟒玉内直世未有也

太監韓贊周引疾去

國權

弘光元年

十



已酉周府堵陽王 求居上海不許

議修徐州城

御史黃耳昂兼巡上下江改勅舊分任

上林苑監賀儒脩勅禮部右侍郎管紹寧貪老陰險不聽

庚戌故 張守道贈南工部尚書廕監

忻城伯趙之龍言今日章服違制遂命勲臣而下非賜肩輿

並騎馬坐蟒斗牛服非奉賜麒麟白澤服非勲臣俱毋濫

御史劉光斗請甄別大臣從之

劉應賓為南太常卿

辛亥南京協理京營兵部尚書張國維省墓李希沆代之

前貴州布政司右叅政陳堯言先任翰林院待詔侍先福王

至是奏舊勞 上不省

壬子前南刑部尚書解學龍削籍言官劾其縱逆也

監軍左諭德兼兵科都給事中衛胤文為尚兵部右侍郎總

督高傑諸鎮兵餉經略開封歸德以亂文為傑鄉人異轄其

衆而傑死部曲多二志


少詹事吳偉業左都督杜弘熾各引去

故 馮任贈南右都御史故巡撫 邱禾嘉贈南

國權

弘光元年

十一



右副都御史

二月甲寅朔阮大鍼進南兵部尚書仍管巡閱江防事

貴嘉興紹興遴選淑女自太監田成入浙民間嫁娶几盡久未竣

南工科都給事中李清請修 先皇帝實錄并易 思宗廟

號及謚東宮二王從之

南刑部右侍郎賀世壽奏辦男王盛從逆命下所司

沈胤培為南大理左少卿劉澤深為鴻臚寺卿添註

罷酒稅

命雲南貴州主試官南刑部員外郎徐復儀中書舍人王景

亮工部主事林志遠行人林必達

乙卯故 鄧逢蘭贈太僕卿

總督王永吉繳勅初永吉鎮薊遼值變與吳三桂約南下迨

三桂降清永吉踉蹌而南遷延日久遂納前勅

故禮部尚書李思誠故御史張汝懋俱復官


周府遂平王紹焜求往河南招集寨勇不許

汰世爵勳衛時東川侯勳衛胡 脅賜奴曹應等兵部言

東川侯草久戚晚原無勳衛散騎故有是命

國權 弘光元年

十二



覈北歸錦衣衛官寶蹟不許輕題

杜鏘應太倉衛百戶

總督袁繼成報鄖陽重圍

丙辰南太僕卿王驥為右副都御史巡撫湖廣

靖江王亨嘉表賀登極因奏全州連州永州皆盜陷撫按匿

不以聞

劉應賓為南太常卿李清為南大理右寺丞添註

程起鸞陸京陳煌圖等俱輸納授南翰林院待詔自來詞幕

無賞例

故桂王常瀛謚曰端命太常少卿鄧啟 往祭行人朱謙汴

治喪俟事寧歸葬

太監高起潛請令罪人納贖有旨納贖免死豪墨何所不至

或流罪以下可贖下刑部議之

丁巳高淖為南刑部尚書陳盟王志道為吏部左右侍郎李


長春為太僕少卿錢繼登為光祿少卿周瑞豹為尚寶司少

卿並添註

太監王肇基上京城緝捕方略

復逆案張伯鯨原官

國權 弘光元年



戊午昭雪逆案復吳孔嘉南編修

史可法請優卹高傑從之

故 許士柔贈詹事詹監

予故定國公徐允貞祭壘

都督僉事四川提兵官賈登聯回貴州勦叛苗

行人司行人朱統鑑言奸人借題專攻巡按江西御史周燦

命登極以聞前事並不問

已未太監李國輔開採浙江衢州雲霧山其勇衛營委盧九德

南禮部郎中吳本泰為尚寶司丞

巡按浙江御史彭遇颺改按廬鳳淮揚遇颺謁選首附馬士

英誕辭蜂涌自兵部主事改御史召對自任募兵十萬或問

餉安出曰有郡邑贖鍰及他搜括可辦也挈家及蒼頭軍百

餘入杭州輿論大駭尋課僧妓各二金蒼頭軍掠市人錢


而闕杭人罷市巡撫張秉貞以聞得調其巡按淮揚御史何

綱改按浙江

庚申張縉彥報賊敗清人于陳州許定國東還劉家城

命都督方國安屬太監高起潛都督曹存性兵屬巡捕營其

巡捕營舊兵太監王肇基同兵部汰閱



故浙江道御史馮垣登贈南太僕少卿故

鄒逢吉

贈南太僕寺丞

隆平侯張拱日劾左僉都御史郭維經不迎 皇考御容被

責

太監孫元德覈報蘇州七年虧餉六十四萬金花銀七萬

辛酉追謚楚貞王華奎曰貞

保國公朱國弼請覈勲臣世系毋容倖襲從之

戶部奏定白糧仍民運從之

命戶科給事中倪嘉慶中書舍人胡承善權益于瓜洲儀真

加益引五分暫改綱行不為例

壬戌浙江嚴州府胡宗德奏疾甚乞免謂非撫按代題不允

癸巳馬士英請造印號分別京師水陸各營以緝假冒從之

劉復生為南中軍都督府僉書

甲子葉紹顯為南太僕卿陸康稷改吏部文選郎中

周王妾程氏求居嘉興不許

南太常寺卿張元始請祀社稷


故皇太子謚獻愍永王謚悼定王謚哀

乙丑始御經筵

國權

弘光元年

十五



命高傑將士仍聽其妻邢氏子元爵統屬邢氏有机智願預  
外事及有節制之命劉澤清聞之唾地曰此水滸傳故事也  
乃出自朝廷耶

增浙江福建二十萬充太監高起潛餉

中書舍人陳庶自陳擁護功求考選不許

丙寅許兵科給事中陳子龍終養

南兵部右侍郎徐人龍罷

予故兵部尚書張希武祭葬

巡按蘇松常鎮御史周元泰奏楊枝起宋學顯楊汝成宋之

繩曹溶朱積翁元益既受偽官豈容漏網命法司逮之

南禮部尚書黃道周祭禹陵奏用太牢從之

丁卯史可法請設提督大鎮薦撫兵李本身有旨興平創立

軍前身死未寒兼有嗣子豈忍以兵馬信地遽授他人前着


伊妻統轄衛亂文料理何必又立提督

靖南侯黃得功欲復鎮揚州紓夙忿馬士英以聞有旨大臣

當先國事而後私憾得功若向揚州致高營兵將棄信東顧

狡乘隙渡河罪將誰任諸藩當恪守臣節不得逞臆

復故太監劉元斌王裕民官予祭葬廕南錦衣衛指揮使



廢先臣方孝孺裔孫樹節翰林院五經博士先臣景清犯蹕  
不叙

命朝臣三品以上自陳去留取 上裁

故巡撫甘肅湯道衡子愚進南錦衣衛指揮僉事

姚思孝沈胤培為南大理左右少卿


舊福府校尉各授錦衣衛百戶

史可法奏當日建置四藩恢復難期而軍實最乏在淮揚有  
稅可權而廬鳳則否得功良佐有偏苦之嗟也臣每歲餉銀  
有本折六十萬數內五萬供徐州兵一萬五千供泗州兵官

兵間有犒賞議將淮揚兩關稅臣與得功良佐三分此時北  
道不供每季不過五千若能守江北則稅歸朝廷否則地雖  
存可從權稅乎

河南道御史張孫振劾在告禮部尚書顧錫疇險邪有玷秩  
宗以其請削溫體仁而謚文震蓋也命錫疇致仕震孟體仁  
確議

御史鄭瑜劾前總督朱大典蝕餉負國有旨大典初立軍府  
不為無功歲餉二十九萬多積欠兵殆萬人馬騾千五百豈  
盡枵腹而遂侵贖百萬也





戊辰劉澤清黃得功劉良佐奏高傑狡寇從無寸功頓沐封  
榮驕橫殺掠今上天默除大患而閣臣史可法欲其子承襲  
又李本身提督灰天下英雄之心莫此為甚此本身諸賊勒  
閣臣密奏倘悞聽其言臣等實不能與相安矣  
常沈嗣上饒王

已已諭戶部捐助原聽民樂輸抄沒乃朝廷偶行豈乃民獻  
媚報仇之事宗藩勲戚武臣須敬禮士大夫與地方相安不  
得聽奸人撥置非法網利  
命史可法察去年江北餉

故

章尚綱贈江西按察副使

庚午都督同知杜文煥還南京中軍都督府

進耿章光南尚寶司卿

故工部尚書劉榮嗣孫祐奏辨臣祖榮嗣任總河時賠累章

下所司

南太常卿張元始請更 皇考謚號從之

諭史可法卿已歸揚解諭黃得功等何必與孤兒寡婦爭構


河上防禦責成王永吉衛亂文料理

設遷曰高傑亡宜收其吏卒督輔領之不以他屬俟興平

國權

弘光元年

十六



子長襲爵于存沒撫慰均得矣不此之務欲以一孤嫠寄命鎖鑰貽哂各鎮貴陽愚悖嬰兒所不為也哀哉  
辛未馬士英請宥朱一馮免籍其產從之一馮豪占蘆課可法責餉二十萬不應請加四十萬時議過刻非所粹辨徒飽士奇英之橐

獎太監盧九德管糧就緒

賴垓為南右春坊右中允張星為編修

清人屯重兵于青州

故 摠兵劉源清贈太子少保謚武節予祭葬 澤清之弟

壬申改撫治勳鄖陽印勅曰巡撫

進蔡奕琛禮部尚書文淵閣大學士廕監

起吳光義南戶部左侍郎朱大典兵部右侍郎易應昌工部

左侍郎陳洪謚為太僕少卿

予故兵部尚書劉廷元祭葬

南禮部尚書錢謙益求退居修國史即家開局不許

嚴京城門禁


南太僕少卿萬元吉請增百官俸薪下部議

予故錦衣衛左都督劉儵祭葬

國權

弘光元年

十九



癸酉命廣昌伯劉良佐分防歸德

南京雲南道御史徐養心終養

中書舍人唐允甲受賄許友方世鳴曠任俱免趙弘明龔偉

烈魏亂改鴻臚寺叙班

保國公朱國弼劾舊淮撫路振飛先警縱囚旅拒奔藩護偽

官武懷語臣云占者言鳳陽有天子氣其下當應之云云章

下部院

李維樾為工科都給事中

南兵部右侍郎練國事罷

張亮請稅益安慶不允

南欽天監正楊邦慶奏近來日月色赤 上以失占候命訪

術士

甲戌改先帝廟號毅宗本朝謚號不相犯今犯 武宗謚

非也

故國公本國吳士奇贈工部右侍郎年遠不廢著為令

乙亥四川道御史袁弘勳論三朝要典摘吳姓鄭三俊管紹


寧袁繼咸近罪不問

追封皇弟由槩穎王謚曰冲

國權

弘光元年

辛



停朝日壇諸祀其先農遣應天尹歷代帝王廟遣朱國弼  
命禮部廣選淑女

太監孫元德報江南常州通餉三十三萬命勒限嚴征

保國公朱國弼領左軍都督府

丙子復故巡撫宣府沈際官予祭葬

慈燦嗣榮王

監軍兵部右侍郎衛胤文奏土柳城土寨金高自築城集勇

壯不受偽官乞授副總兵銜從之

巡按蘇松常鎮御史周元泰奏浚劉家河

工部右侍郎何楷進錢式

葛含馨為南吏部考功郎中武清為稽勲主事

李元中為中軍都督府僉書

丁丑張承志龔惠安伯補誥券

故四川重慶知府王行儉贈南光祿卿故安徽潛山知縣李

胤昌贈南太僕少卿

南戶科給事中熊維典奏蘇松常鎮三年積逋三百三十一


萬八千五百金皆屬應徵又已徵不解九十五萬六千有奇

來方煇為南太僕少卿

國權

弘光元年

二十一



例轉御史沈宸荃蘇松兵備僉事高允茲江西按察副使吏  
科左給事中馬嘉植吏部主事余颺俱廣東按察副使  
左良玉請清絕產資屯墾許之  
故禮部右侍郎顧起元謚文莊  
左良玉請全要典諸臣有旨當日借端誣構卿一細閱亦當  
悲憤但建議諸臣物故几盡與見臣功罪無關係素從寬宥  
不必疑揣  
戊寅禮部署部事右侍郎管紹寧失印  
予故左副都御史徐大化祭葬


樞督雲貴李若星報勤王兵命止之如已至常德歸何騰蛟  
如近地歸史可法防河  
己卯奉 皇考御容于武英殿西室  
太監田成進淑女程氏命再進二人  
進馬士英太保王鐸少傅叙剪賊功  
南欽天監正楊邦慶上御覽晴雨錄  
朱國弼請治郭維經庇逆云武愆無死法宜加等治罪章下  
法司

復故工部尚書劉榮嗣官廕其孫入監

國權

世光元年

三



辛巳誠意侯劉孔昭奏逆案雪枉不過數人今盡翻為濫  
上是之翻逆案自孔昭逐冢臣為阮大鍼始今又弭其失亦  
巧矣

大興伯鄒存義請提學公署為宅

進都督趙民懷太子太保廕錦衣衛百戶

壬午許浙江紹興南糧折徵


除各衙門南京銜改鑄印自四月朔為始管紹寧既失印私  
請于馬士英士英言聖明立極于南各衙門印仍南京銜帶  
南京非體也雖未忘北都然光復舊物則各衙門印亦須更

鑄矣從之

癸未起熊開化南太僕少卿水佳胤尚寶司丞  
都督僉事孫茂英署水營

太監李國輔請考成守令大庖虧課  
兵部郎中李向中為浙江按察副使

三月甲申朔有少年至自浙江金華入京師石城門宿興善寺  
蓋東宮舊闈馮進朝李繼周奉密札迎之也相傳吳三桂擁  
太子離永平檄中外臣民將奉入京師即位至榆河陰逸之  
民間使人導入皇姑寺太監高起潛奔西山太子自詣之遂



同至天津航海而南八月抵淮上聞定王之沉懼勿敢留

劉澤清沉定王于海中前止揚州起潛知江南無善意欲加其族南京

鴻臚少卿高夢箕不可挾之渡江展轉蘇杭間不堪羈旅漸

露貴倨之色于元夕觀燈浩歎為路人所竊指夢箕聞之懼

禍及已密以聞且密啟于馬士英于是遣內監持御札召之

命寓石城門外上使二閹覘之二閹抱足大慟見衣薄各

解衣以進及報命上弗善也後掠二閹俱死李繼周亦賜

鴆死都人聞東宮至踴躍趨謁文武官投職名相繼最後太

監盧九德至禮倨少年呼名叱之九德不覺叩首曰奴無禮

少年曰汝隔幾時何肥也九德又叩首曰請保重而出隨戒

營卒圍守寺門馬士英先奏曰既東宮脫虎口間關南至即

當明之官乃走杭走紹興自紹興而東豈欲沉海乎可疑一

也聞東宮睿質凝重不輕言語而此人机辨不可方物可疑


二也昨左懋第密抄來示于彼中亦得假太子辨晰甚詳以

示西宮袁妃及諸宮人皆云太子有虎牙足有痣况皇女見

在周奎家此云遇害可疑三也當今盧九德及當日東宮內

臣于城外僻處詰問以先帝永定二王庚申甲及宮制如

假冒必不能悉且日講官方拱乾等在蘇州容密諭來京辨



之偽則當下法司與臣民共見而棄之如其真也于興寧宮  
後慈禧殿旁居之一切典禮從容再議但不可外封啟奸人  
之心皇上續緒于先帝失守之後名正言順有何疑慮  
若此事果真則慎防之奸謀消釋國家之幸也蓋士英揣度  
上意逆設疑端大學士王鐸附士英首言其偽

上始日講

命太監高起潛安撫揚州

都督鄭鴻達復姓

史可法奏泗州鎮將李世春卒其弟過春可用令提兵泗州

調張天福守象山 祖陵後山名

南太常卿張元始奏諸陵忌祭俱在 孝陵似未安下禮部

議

御史徐德陽訐吏部以文德翼夏允彝匿喪陞補 上責之

刑部郎中申繼揆鑄二級以逮左光先等未至


乙酉誅妖僧大悲

召保國公朱國弼安遠侯柳祚昌定遠侯鄧文亮誠意侯劉  
孔昭駙馬都尉齊贊元忻城伯趙之龍東寧伯焦夢熊襄衛  
伯常應俊大學士馬士英王鐸蔡奕琛左中允劉正宗李景

國權

弘光元年

二十五






濂張居中書舍人吳國鼎于武英殿諭曰舊太子已追至遣  
內臣李永芳盧九德往視云貌不相似語多閃爍卿等會同  
朝臣驗之正宗曰恐太子未能來臣當以事窮之俾無遁詞  
上悅

南道政使楊維垣為左副都御史時語曰馬士英劉孔昭張  
捷楊維垣國勢速亡南史科都給事中張希夏為太常少卿  
周昌晉為太常少卿

御史袁弘勳請起罪廢諸臣諭史堃陳啟新張文郁不允  
朱國弼等至錦衣衛都督馮可宗宅問少年俱不識獨呼前

少詹事方拱乾彼鬚者方先生也拱乾問講所曰文華殿做  
問書曰詩句問寫几行曰全寫正宗等還奏其偽曰講所乃  
端敬殿非文華也做書乃孝經非詩句也描摹十大字即旁  
書小字非全寫也且問以講章記否曰不記問講案何物曰  
不知其詐無疑時馬士英迎上旨主偽大學士王鐸先侍  
東宮附和士英如出一口中外悲之

設遷曰彼少年嘗留杭州三月餘其在燕脫禍果吳三桂  
始挾之尋縱之耶許重熙甲乙彙略云同高起潛而南以  
予所聞謂鴻臚少卿高夢箕去年秋舍人穆虎等道山東



值少年求附行同塗久之云我東宮也入南京夢箕邸中  
夢箕未之信少年曰我往始冠君不贊禮乎蓋夢箕先北  
寺序班遂伏地哭留浹月懼露移杭州又久之潛遣往浙  
東將匿之閩粵以不自晦上書明其事夏五月予從高相  
國弘圖宿西湖淨慈寺舊閣蘇某四月出金陵云東宮甚  
真其足胛骨左右各雙誰能偽之特攝于積威毋敢相剖  
噫少康逃于有仍法章匿于太史國家雖不幸僅此血系  
見聞共閱而當事曾不加痛相忍以阮甘心樂禍直以北  
闕下黃犢車例之誠使作偽何獨識方拱乾乎昔建文師

欲見楊士奇而不得今東宮能識方拱乾而不信身家所  
重先後同時疑一時道聽不敢如湘山野錄致燭影斧聲  
之枉然略舉其槩以俟南史氏亦存疑之例也

岷世子裡洪訴難命周之  
禁畿內冒將招兵

丙戌馬士英言偽太子遂併高夢箕家舍人高成穆虎夜下  
中城兵馬司獄少年以肩輿至方醉詰朝副兵馬 侍其  
側詰之以官對進干錢命弗香炬北向再拜大呼 太祖高  
皇帝 皇考皇帝號泣左右莫能仰視

